

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 3850 del 22/12/2025

Na chërta per chi che à amancol 65 egn con su 3.600 euro per comprèr prodoc de prum besegn te boteighes e speziaries convenzionèdes

Nasc la Carta Argento Trentino

[Ladino] Na dotazion de 3.600 euro per finanzièr la compres de prum besegn da pèrt de la persones de amancol 65 egn che ciapa la pèrt A del assegn unich provinzièl. L é la Carta Argento Trentino aproèda en vender 19 de dezember da la Jonta provinzièla e portèda dant dal vizepresident Achille Spinelli che l à proponet la delibera per meter en esser l projet. “Se trata de na misura sperimentèla che se jonta apede la perferida de scomenzadives metudes en दौरa da la Jonta provinzièla per didèr la families e i sentadins, soraldut chi che vadagna de manco e donca i risia de più l'esclujon sozièla –la paroles del vizepresident -. Te chisc ultimes egn l cost de la vita do e do più aut l à smendrà debel la capacità jà pera de comprèr de chesta fascia de popolazion.

Scichedonca con chest strument volon smaorèr la dotazion del Assegn Unich Provizièl, col sporjer n didament da poder durèr subito per comprèr bens de prum besegn”.

Con chesta misura donca vegn dat fora, una tantum e sorafora la pèrt A, n didament economich a favor de la families che les ciapa jà l AUP – pèrt A e che les abie requisic specifichs.

L didament l é recognosciù desche n credit de la suma de 3.600,00 euro en dut, da poder durèr dai benefizières o da sie enciarié tras la Carta Argento Trentino (C.a.T.) per comprèr bens te la boteighes e te la speziaries acreditedes.

Via per la setemènes che vegn la Provinzia la binarà su la partezipazion de la boteighes e dapodò la dajarà fora la chërta a chi che à derit, che per la ciapèr i podarà se oujer ai ofizies periferics provinzièl.

[L'intervista al vizepresident Spinelli](#)

[I retrac](#)

Traduzion di Servijes Linguistics e Culturèi del Comun general de Fascia

(cdt)